



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Handleitung Zu leichterem Gebrauch Der Geist- und
Sittlichen Unterrichten In Ewigen Wahrheiten**

Calino, Cesare

Augspurg ; Graez, 1744

VD18 80280064

Dominica Paschatis.

[urn:nbn:de:hbz:466:1-49389](#)

DOMINICA PASCHATIS.

1.

Surrexit; non est hic. Marc. 16.

Resurrectio Domini facilitat fidem, roborat spem, inflammat charitatem nostram. *Mense XII. Disc. 349. pag. 231.*

2.

Surrexit. Marc. 16.

Justissima est universæ Ecclesiæ lætitia in Resurrectione Christi: victus infernus est, mors debellata, fides triumphat. Verum non solam terram resurrectio Christi lætificat: subterraneos quoque specus implevit gaudio, dum SS. Patres ex limbo liberavit. *Mense XII. Disc. 348. pag. 214.*

3.

Surrexit; non est hic. Marc. 16.

Postquam resurrexit Christus, sola in sepulchro reliquit linteamina, quibus erat involutus: nihil de se reliquit, totus resurrexit: non est hic. Sic Peccatores debent resurgere, ut nihil non expurgatum relinquant: reliquerunt in S. Tribunal peccata, quibus fuerant involuti: nihil relinquant etiam de reatu pœnæ, sed post Confessionem solliciti sint, ut pœnas quoque peccatis debitas per exactam satisfactionem expugnant. *Mense II. Disc. 36. pag. 70.*

4.

4.

Quis revolvet nobis lapidem? Marc. 16.

Condonanda est sanctis mulieribus anxietas sua, quam habebant propter lapidem sepulchri; erat quippe magnus valde, ipsæ autem teneræ ac debiles vincendæ difficultati non erant pares. Quis autem excusat Christianorum quorundam ignaviam, qui quidem resurgere cum Christo volunt, peccata sibi vel remitti cupiunt, vel de remissis gaudent, sed mediocrem pœnitentiam à Confessario sibi injunctam refugiunt: *Quis revolvet nobis lapidem?* Cùm nulla par peccatis injungi pœnitentia possit, ostendit se non verè esse pœnitentem, qui injunctam pœnitentiam persolvere recusat. *Mense III. Disc. 88. pag. 578. usque ad num. 7.*

5.

Valde mane una Sabbatorum veniunt ad monumentum. Marc. 16.

Ardentissima erat piarum mulierum in Christum charitas: somnum abrumpunt, egrediuntur, vix orto sole jam ad monumentum stant, & charitatis suæ præmium accipiunt angelicam visionem. Quàm longè ab illis abest quorundam tempor, qui vel ideo modicum ex peractis confessionibus fructum percipiunt, quia semel expiati nimium procrastinant ac differunt alteram confessionem. *Mense III. Disc. 89. pag 599. usque ad num. 9.*

DOMI-